

68. De quadraginta illis diebus, quibus Christus post resurrectionem suis conversatus discipulis legitur, sic statuimus: Christum jam tum ingressum esse vitam verè celestem ac spiritualem, ac fuisse in regno Patris, etsi in Mundo conversabatur discipulis, non quidem modo ac ratione Mundana, sed novâ prorsus ac singulari, per admirandam quandam *ὀικονομίαν* sive dispensationem, hoc ipsum confirmante Servatore, cum inquit; Hi sunt sermones quos locutus sum, cum adhuc vobiscum essem Luc. 24, 44.

### III. ASCENSIO AD COELOS.

69. Expleto tempore quadraginta dierum, per quod ad consulendum discipulorum infirmitati, & confirmandam resurrectionis suæ veritatem Christus in terris, suo tamen quodam modo versari voluit: tandem discipulis Bethaniam eductis inenarrabili cum triumpho, quo hic Sol illustriorem non aspexit, Christus videntibus discipulis à terra elevatus est, ac paulatim longius ac longius ab eis verè recessit in eam usque altitudinem, donec nubes ab oculis discipulorum cum suscepit, ut videre ipsum amplius non possent.

70. Faceffat ergò omnis Allegoria, omnis Metaphora, omnis disparitio, quam per insignem injuri-